

ANTSO FIARAHAMONINA KRISTIANA (AFK)

Tsy nofinofy ny hahafahana mampandroso an'i Madagasikara

Ho potika ny firenentsika raha izao no mitohy. Azo atao anefa ny mamoka ity firenena ity. Nahita sy manana ny fomba sy lalana ho amin'izany ny Antso Fiarahamonina Kristiana na AFK. Misy andry sivy fototra no hajoaro amin'izany farafahakeliny, ary ireo dia miteraka fifampitokisana. "Plateforme de symbiose organisationnelle", no iantsoana azy io. Azo atao ny miaramonina tsy mifampitsentsitra, tsy mifanambaka, tsy mifamono fa mifanohana sy mifamelona, raha araka ny fanadihadiana lalina nataony. Manome lanja ny olona ny zava-dehibe amin'ny asa atao hihain-gana. Avy amin'ny zavatra hoentiny tsirairay no hampifandraisina sy hampivelarina. Ny vokat'izay no hahafahantsika mifehy ny toekarentsika, fa tsy ilana mpamatsy vola, na fanampiana avy any ivelany izany. Tsy nofinofy ny hampandrosoana an'i Madagasikara; fa mitombona ara-teknika sy siantifika ny fanadihadiana natao, hoy i Andriamparany Ricky, filohan'ny AFK. Io fanadihadiana io



Ricky Andriamparany sy Fitahiana Andrianaja, anisan'ny nanoratra ireo boky vao navoakan'ny AFK.

sy ny tari-dalana atolony dia narafitra ao anaty boky avokoa. Taorian'ny boky voalohany navoakany tamin'ny volana jona, dia boky roa avy hatrany no novokarin'ny AFK, nampahafantarina ny Sabotsy 05 Septambra lasa teo teny Ivandry. Ny iray izay boky faharoa, dia mifantoka amin'ny fihavanana; mitondra ny lohateny hoe "La gestion harmonieuse du changement dans le Fihavanana: vers un Fihavanana symbiotique et symbiotisant", izay novokarin'ny Ricky Andriamparany sy Fitahiana

Andrianaja. Fihavanana tsy mifampitsentsitra, tsy mifanambaka, tsy mifamono, fa mifanohana sy mifamelona. Raha ny fanadihadiana nataon'izy ireo, dia ny olona te-hihavanana amin'ny mpiara-belona aminy an-kalalahana fa tsy an-teritery. Ny boky faharoa kosa dia mitondra ny lohateny hoe "Alignement stratégique sur la vision existentielle de Madagascar", izay nosoratan'ny filohan'ny AFK. Mangataka ny hisian'ny adihevitra sy dinika nasionaly na "débat national" ny Antso Fiarahamonina

Kristiana amin'ireo mahabe resaka sy adihevitra eto amin'ny firenena, momba ireo fiheverana samihafa momba izany, na ihany koa ny amin'ny lafin-javatra tsy sahy resahina aza toy ny resaka foko, na adim-poko rangintina etsy sy eroa. Tsiahivina fa efa nisy ny angon-kevitra vita niainga avy amin'ny fikaonandoha ara-toekarena natao teny amin'ny Sekoly ambony IMGAM Ivandry ny Oktobra-Novambra 2019, ary miampy izao hevi-baovao marim-pototra sy mitombona voarakitra ao anaty boky maromaro izao, dia tian'ny AFK ny hihaona sy hampita izany amin'ny filohan'ny Repoblika. Mandrapindry ny hisian'izany anefa dia mirosoro manao asa hatrany ireo mpikambana ao aminy. Marihina fa niorina ara-panjakana tamin'ny taona 2017 ny AFK ary tsy manao politika izy. Efa azo jifaina ihany koa eny amin'ny Librairie Antso sy ny Librairie Mille Feuilles Behoririka ireo boky ireo, na antsoina ny Laharana finday 034 06 532 41.

Ny Valosoa

Sakafo Ny Valosoa



Drakaka na fozabe saosy indray no laoka amin'ny Sakafo eto amin'ny gazetinao androany. Atao saosy amin'ny voatabia sy tongolo ary sakaitany na sakamalaho ny drakaka. Dia mazotoa homana tompoko.

NY VALOSOA sy Mahasoa

Ny soa azo avy amin'ny voankazo ampalibe


Ny soa azo avy amin'ny voankazo ampalibe indray no Mahasoa eto amin'ny gazetinao androany. Anisan'ny voankazo tena mamy tokoa ny ampalibe sady manitra ihany koa. Ireo zava-tsoa avy aminy: miaro amin'ny anémie, na tsy fahampian'ny rà; tsara ho an'ny taolana, misy Calcium sady miaro amin'ny aretina ostéoporose: aretin'ny taolana. Miaro amin'ny aretina Cancer, na homamiadana. Mampatanjaka ny hery fiarovana; mampilamina ny tosi-drà; manala ny tavy; tsara ho an'ny hoditra. Manampy amin'ny fandevonan-kanina; mampihena ny risika amin'ny fahasimban'ny fo; mampisy ny fitadidiana.



NY VALOSOA sy Mahaliana

Ny tanànan'i Maroambiny, any amin'ny distrikan'i Sambava, faritra Sava

Ny tanànan'i Maroambiny, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohitry ny kaominina Maroambiny ity tanàna ity. Somary avo toerana izy, satria 695 m ny haavony mihatra amin'ny ranomasina. Somary afovoan'ny faritra Sava no misy azy. Amin'ny maha-kaominina ambanivohitra azy dia ratsy ny lalana mihazo an'i Maroambiny, tanàna mamokatra anefa izany tanàna izany sy ny kaominina misy azy, mamokatra ny vokat'ra fanondrana lavanila.



Ambohidahy

Nanatitra fitoriana teny amin'ny HCC ireo loholona

Manoloana ny tsy fanarahana nataon'ny fitondram-panjakana tamin'ny fandraisana fanapahan-kevitra mahakasika ilay volavolan-dalana laharana faha 001/2020, dia tonga nanatitra taratasy mitory ny tsy fanarahana-dalana tamin'ny fepetra narahina mahakasika ny "texte à valeur législative" araka ny voalaza ao amin'ny andininy faha-118 ny Lalampanorenana, tetsy amin'ny Fitsarana Avo momban'ny Lalampanorenana (HCC), ireo solontenan'ny Loholon'i Madagasikara, izay notarihan'Andriamatoa Mamitiana Fabergé Gabriel omaly alatsinainy



faha 07 septambra 2020. Nambaran'ny Loholon'i Madagasikara Mamitiana Fabergé fa nanomboka tamin'ny famoahana ny vokatry ny fivoriana vaomiera iraisana isasahana dia efa nisy ny tsy fanarahana-dalana, izay

nolazainy fa i Madagasikara dia bicameral, ka ny tatitra izay noentina tany amin'ny Praiminisitra Lehiben'ny Governemanta dia tokony ho tatitra voasonian'ny Filohan'ny parlemanta roa tonta, nefa tsy nisy sonian'ny filo-

han'ny Antenimierandoholona izany.

Manainga ny fanarahana-dalana eto amin'ny tany sy fanjakana izy ireo, nambaran'ny Sénateur Mamitiana Fabergé, fa ny mpitondra no tokony halain'ny vahoaka tahaka amin'ny fitondrana ny firenena.

Manoloana ny fifidianana Loholon'i Madagasikara sy ny fomba nitsinjara ny isany dia nambarany fa tsy maintsy miady ho an'ny faritra izy ireo, tsy mifanaraka amin'ny fitsinjaram-pahefana tena izy eny anivon'ny faritra no nanaovana azy hoy ny fanambarana.

Helisoa


Valanaretina coronavirus

Niampy 2 ny lavo omaly, 33 ny tranga vaovao, 45 no sitrana

Araka ny tarehi-marika niavoaka teny amin'ny CCO covid19 Ivato omaly, niampy 2 ny lavon'ny valanaretina coronavirus eto amintsika, 33 ny tranga vaovao, 45 no sitrana. Arak'izany, 202 hatreto no matin'ity valanaretina ity teto amintsika hatramin'ny 20 martsa nidirany teto amintsika. Ny totalin'ny nitondra sy mitondra ny tsi-mokaretina corona hatramin'izao dia 15352, ny

sitrana kosa dia 14184. Niampy 8 ireo marary mafy, mbola misy 51 arak'izany ireo marary mafy noho ity valanaretina ity manerana ny Nosy. Na efa nalefahana azan y fihobhana eto amintsika, mila mitandrina sy manaraka ny fepetra ara-pahasalamana hatrany ny rehetra satria dia mbola misy ny valanaretina coronavirus.

Aly



Ny tarehi-marika avy eny amin'ny CCO covid 19 Ivato omaly.